

R.2
CLeger
Chapir texts litterars

1. Las solaras ed ils solaras san leger e chapir texts litterars.

renviaments

R.2.C.1

Las solaras ed ils solaras ...

1

- a » vesan en in maletg ina situaziun (p. ex. figura, acziun, istorgia pussaivla).
» san s'imaginar respectivamain raquintar en in discurs in'istorgia or da maletgs mess in suenter l'auter (p. ex. cudesch da maletgs).
- b » san suandar istorgias raquintadas u prelegidas e chapir il fil cotschen (p. ex. pitschna istorgia, cudesch da maletgs, verset, verset per trair la sort).
» san colliar il fil cotschen d'ina istorgia cun maletgs correspondents.
- c » chapeschan en curts texts cun agid da dumondas acziuns e tratgs spezifics tipics da figuras.
» san s'imaginar cun instrucziuns acziuns centralas, lieus e figuras en curtas istorgias e las colliar cun l'agen mund.
» san engrondir lur stgazi da peds receptiv cun drizzar cun agid lur atenziun sin peds e formulaziuns spezifics.
» san resentir la biblioteca sco lieu cun ina ritga purschida da leger e san cun instrucziun eleger cudeschs auditivs ed autras medias.
- d » san mussar lur chapientscha da text cun al preleger a moda adattada (p. ex. differenziar singulas figuras entras la vusch).

2

- e » san eleger audiocudeschs ed autras medias per l'atgna lectura cun sustegn da covers, texts sin il viertgel, illustraziuns ed extracts da texts.
» resentan cun sustegn (p. ex. persuna d'instrucziun, audiocudesch) l'atmosfera d'in text (p. ex. tensiun en in crimi).
- f » san sfegliar en differents cudeschs per eleger in cudesch (p. ex. leger l'entschatta u la fin).
» san sa metter en la situaziun da las figuras, chapir cun sustegn lur acziuns sco era lur intenziuns e motivs ed als colliar cun l'agen mund.
» san cun sustegn s'orientar en ina biblioteca e nizzegiar lur purschida.
» san formular il patratg central en poesias elegidas cun sustegn.
» san mussar lur chapientscha da text cun preleger in text a moda adattada uschia che la differenza tranter passaschas narrativ-descriptivas ed il discurs da figuras vegn visibla.

3

- g » san cun sustegn eruir tratgs spezifics tipics (p. ex. gist/malgist) ed intenziuns da las figuras era sche quellas n'èn betg menziunadas explicitamain.
- h » san nizzegiar la purschida d'ina biblioteca e sch'i fa da basegn procurar independentamain per sustegn.
» san descriver tge ch'els legian gugent ed uschia eleger e leger cudeschs tenor l'agen interess.
» chapeschan infurmaziuns implicitas or d'istorgias cun sustegn en spezial intenziuns e tratgs spezifics da figuras.
» san formular il patratg d'ina poesia ch'è per els central.
» san differenziar lur stgazi da peds cun agid da l'atgna lectura.
» san mussar lur chapientscha da text cun preleger in text a moda adattada uschia che las differentas atmosferas pon vegnir recepidas.
- i » san formular in'atgna opiniun tar in text legi e la motivar.
» san eruir e declerar tratgs spezifics, l'atmosfera ed intenziuns da figuras, era sche quels na vegnan betg numnads explicitamain.